

VARIOS PROYECTO PLANEA

Pa e aña aki, Aruba Junior Chamber tin varios proyecto programa pa su miembronan y e comunidad en general. Enfasis lo worde duna riba e area di desaroyo individual pa cual varios curso riba diferente nivel lo worde ehecuta.

E cursonan lo worde duna pa instructornan certifica cu ta miembro di e organizacion di Jaycees y pa personanan cualifica di nos comunidad.

Den e promer cuartal di aña, Aruba Junior Chamber lo ofrece un curso cu instructor di renombre internacional.

Pa e area di comunidad, proyectonan lo worde ehecuta cu ta envolvere muchanan y personanan menos privilegia den nos comunidad.

Den luna di Mei, Aruba Junior Chamber lo asisti na e conferencia di area C (America y Caribe) cu lo tuma lugar na Martinique.

Personanan interesa pa asisti na e conferencia aki, por tuma contacto cu miembronan di directiva pa mas informacion.

E aña aki Aruba Junior Chamber lo ta huesped di Mid Year Meeting den luna di Juni.

Durante e encuentro aki, tur e organisacionnan di Jaycees di Antiyas y Aruba lo bin hunto pa evalua con e promer mitar aña 1996 a bay y pa estrecha e lasonan di hermandad entre e miembronan.

E aña aki Aruba Junior Chamber lo cumpli su 35 aña di existencia, y pa celebra e hecho grandi aki lo or-

ganisa varios actividad. Den e dianan venidero, Aruba

Junior Chamber lo sigui suministra mas informacion di tur su actividadnan pa 1996.

JEANSY MARTINA, ELIGI COMO PRESIDENTE DI DIRECTIVA DI ARUBA JUNIOR CHAMBER


ORANJESTAD(AAN) -- Den luna di December 1995, Aruba Junior Chamber a instala su directiva pa e aña 1996.

Durante 1996, Aruba Junior Chamber lo ta presidi pa Jeansy Martina, cu sosten di e siguiente miembronan di directiva: Natalie Mathilda - secretaria, Anchely Maduro - tesorero, Erwin Lopez - vice presidente ehec-

tivo/consehero legal, Rachel Kelly - vice presidente pa proyectonan pa comunidad, Joseph Caton - vice presi-

dente pa desaroyo individual y Sigfried Lumenier - presidente pasado/consehero.

CHARLITO BROUNS III A GRADUA NA TEXAS



ORANJESTAD (AAN): Luna pasa a termina su estudio den International Business Administration na Universidad di Texas na San Antonio, "Charlito" Brouns III, nieto di e conocido Charles Brouns di Charlie's Bar na San Nicolas.

Asina tambe el a cumpli cu un promesa cu el a haci na tanto su welo Charles Brouns como su wela Maria Brouns-In 't Veld cu un dia lo e sorprende nan cu un ti-

tulo universitario.

Su prome educacion Charlito a haya na e colegio di Jesuitanan "Colegio Nuevo Granada" na Colombia, luego na John Wesley College na San Nicolas y tambe na Texas Military Institute.

Por lo pronto Charlie III lo keda den exterior pa haya experiencia practico y sigui tambe algun curso complementario pa despues regresa Aruba.

GANADORNAN CAMPAÑA DI FIN DI AÑA DI

LING & SONS SUPERMARKET

1. FORD WINDSTAR

Sra. B. Regeer

2. HARLEY DAVIDSON

Sr. Henry Saldariaga

3. CUSHINA COMPLETO

Sra. Viveca Wiersma

Afl. 250,- na comestibles

Sra. Marlene J. Donata

Sra. Mary Defoe

Sra. Gardenia de Cuba

Sra. Christine Krosendijk

Sr. Nelio G. da Silva

Sr. Pedro van der Kolk

Sra. Audrey Bradshaw

Mr. Edley Lasten

Mr. U. Statia

Mr. Urbano Solognier

Opinion Publico

LOTTO LEAGUE TA BAYENDO ATRAS

ORANJESTAD(AAN): -- Segun opinion publico, lotto-league ta den decadencia.

E equipo di Dodgers por ehempel, a bira campeon aña pasa, pero a haya ningun clase di reconocimiento o cobertura.

Lotto-league ta manera little-league, esta, cu muchanan te cu diezdos aña.

Den opinion di un persona concerni, no ta parece di tin un preocupacion pa lotto-league.